

Na osnovu člana 234. Stav 1.tačka k) Zakona o privrednim društvima ("Službene novine Federacije BiH", broj 81/15), a u vezi sa članom 8., 9. i 10. Zakona o javnim preduzećima ("Službene novine Federacije BiH", broj 8/05, 81/08, 22/09 i 109/12), te člana 37.i člana 43. Statuta KJP Centar „Skenderija“ d.o.o. Sarajevo broj: 7097/22 od 23.12.2022.godine, Statuta o izmjenama i dopuni Statuta KJP Centra “Skenderija” d.o.o Sarajevo, broj: 5805/24, od 11.11.2024.godine i Odluke o raspisivanju javnog konkursa za izbor i imenovanje člana Nadzornog odbora KJP Centar „Skenderija“ d.o.o Sarajevo (Odluka broj:4798/25 od 22.09.2025 godine), Skupština Preduzeća KJP Centar „Skenderija“ Sarajevo objavljuje:

JAVNI KONKURS

ZA IZBOR I IMENOVANJE PREDSJEDNIKA I ČLANOVA NADZORNOG ODBORA

KJP CENTAR „SKENDERIJA“ d.o.o. SARAJEVO

I. PREDMET JAVNOG KONKURSA

Objavljuje se javni konkurs za izbor i imenovanje Predsjednika i članova Nadzornog odbora KJP Centar „Skenderija“ d.o.o. Sarajevo na period od 4(četiri) godine. Opis obaveza i odgovornosti članova Nadzornog odbora kao i uslovi koje trebaju aplikanti ispunjavati dati su u tekstu kako slijedi:

II NADLEŽNOSTI NADZORNOG ODBORA PREDUZEĆA

- bira predsjednika Nadzornog odbora Preduzeća;
- nadzire poslovanje Preduzeća; usvaja poslovne strategije društva i planove poslovanja, priprema poslovnike;
- bira Upravu;
- predlaže raspodjelu i način upotrebe dobiti i način pokrića gubitka;
- nadzire rad Uprave Preduzeća, te odobrava odluke strateškog karaktera;
- donosi opće akte Preduzeća;
- usvaja izvještaj Uprave Preduzeća o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije;
- podnosi Skupštini Preduzeća godišnji izvještaj o poslovanju Preduzeća koji obavezno uključuje finansijski izvještaj i izvještaje revizora, Nadzornog odbora Preduzeća i Odbora za reviziju Preduzeća;
- odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine preduzeća po bilansu stanja na kraju prethodne godine;
- predlaže Skupštini Preduzeća kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine Preduzeća po bilansu stanja na kraju prethodne godine;
- saziva Skupštinu Preduzeća,
- imenuje privremene komisije utvrđuje njihov sastav i zadatak;
- priprema poslovnike i predlaže ih Skupštini Preduzeća;
- priprema Etički kodeks i predlaže ga Skupštini Preduzeća;
- vrši izbor kandidata Odbora za reviziju Preduzeća i podnosi prijedlog za imenovanje Skupštini Preduzeća;
- razmatra provedbeni propis za postupak nabavke i nadzire njegovo provođenje,
- daje mišljenje Skupštini Preduzeća o prijedlogu Uprave Preduzeća o rasporedu dobiti;
- daje ovlaštenje za aktivnosti koje su ograničene na osnovu odredbi Zakona o javnim preduzećima u Federaciji Bosne i Hercegovine;
- daje upute Direktor Preduzeća za provođenje uviđaja u vezi sa uočenim nepravilnostima;

- vrši druge poslove predviđene Zakonom.

III. MANDAT

Predsjednik Nadzornog odbora, kao i članovi Nadzornog odbora Preduzeća, imenuje se na period od 4 (četiri) godine, s tim da po isteku perioda od 2 (dvije) godine od dana imenovanja, Skupština Preduzeća glasa o povjerenju članovima Nadzornog odbora.

IV. USLOVI ZA IMENOVANJE

Kandidati za imenovanje Nadzornog odbora KJP Centar „Skenderija“ d.o.o. Sarajevo moraju ispunjavati opće i posebne uslove.

Za članove Nadzornog odbora mogu biti imenovani kandidati koji ispunjavaju opće i posebne uslove:

OPĆI USLOVI:

Za članove Nadzornog odbora mogu biti imenovani kandidati koji ispunjavaju sljedeće opće uslove :

- a) da je državljanin Bosne i Hercegovine;
(dokaz: Uvjerenje o državljanstvu, original ne stariji od 6 (šest) mjeseci ili ovjerena kopija Uvjerenja o državljanstvu, ne starija od 3 (tri) mjeseca)
- b) da je stariji od 18 godina, a mlađi od 65 godina na dan imenovanja;
(dokaz: Izvod iz matične knjige rođenih original ili ovjerena kopija Izvoda iz matične knjige rođenih ne starija od 3 (tri) mjeseca i ovjerena kopija **CIPS-a** prema mjestu prebivališta, ne starija od 3 (tri) mjeseca)
- c) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 (tri) godine prije dana objavljivanja javnog konkursa;
(dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)
- d) da nije pod optužnicom Međunarodnog suda za ratne zločine u bivšoj Jugoslaviji-član IX. tačka 1. Ustava Bosne i Hercegovine;
(dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)
- e) da nije na funkciji u političkoj stranci;
(dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)
- f) da nema privatni/ finansijski interes u privrednom društvu u čiji se Nadzorni odbor kandiduje;
(dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)
- g) da nije osuđivan za krivično djelo i za privredni prestup u periodu od 5 (pet) godina od dana pravosnažnosti presude, isključujući vrijeme izdržavanja zatvorske kazne prije dana objavljivanja javnog konkursa;
(dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)
- h) da mu pravosnažnom presudom suda nije zabranjeno obavljanje aktivnosti u nadležnosti Nadzornog odbora u koji se kandiduje;
(dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)
- i) da ne vrši funkciju direktora, člana uprave, predsjednika ili člana Nadzornog odbora ili Odbora za reviziju u drugom privrednom društvu ili instituciji;
(dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)
- j) da nije izabran zvaničnik, nosilac izvršnih funkcija ili savjetnik izabranim zvaničnicima i

nosiocima izvršnih funkcija u smislu Zakona o sprečavanju sukoba interesa u institucijama na nivou BiH ("Službeni glasnik BiH", broj 18/24) i Zakona o sukobu interesa u organima vlasti Federacije Bosne i Hercegovine ("Službene novine Federacije BiH", broj 70/08.);
(dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)

- k) da ne postoje druge zakonske smetnje za obavljanje funkcije u Nadzornom odboru*
(dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)

Dokumenti kojima se dokazuje ispunjavanje općih uslova pod tačkom a) do k) ne mogu biti stariji od tri mjeseca.

POSEBNI USLOVI

- a) da ima univerzitetsku diplomu VII stepena stručne spreme ili visoko obrazovanje prvog, ili drugog ili trećeg ciklusa Bolonjskog sistema studiranja iz društvenih ili tehničkih nauka, s tim da prvi ciklus Bolonjskog sistema studiranja mora imati minimalno 240 ECTS bodova;*
(dokaz: ovjerena kopija diplome, ne starija od 3 (tri) mjeseca)
- b) da ima najmanje 5 (pet) godina radnog iskustva u struci, za koju je stekao univerzitetsku diplomu;*
(dokaz: potvrda o radnom iskustvu, original ili ovjerena kopija ne starija od 3 (tri) mjeseca)
- c) da je uspješan u obavljanju na ranijim poslovima;*
(dokaz: preporuka ranijih poslodavaca i dr.);
- d) da ima izraženu inicijativnost, nezavisnost u radu i donošenju odluka;*
- e) da ima organizacijske i komunikacijske sposobnosti;*
- f) da posjeduje znanja i sposobnosti razumijevanja poslovnih izvještaja, poznavanje privrednog prava i ukupnog zakonodavstva na području djelovanja nadzornih odbora;*
- g) da ima sposobnost upravljanja finansijskim i ljudskim resursima i naklonjenost timskom radu;*
- h) da je prošao odgovarajuće usavršavanje u skladu sa Zakonom o privrednim društvima ("Službene novine Federacije BiH", broj: 81/15 i 75/21) i Uredbom o usavršavanju predsjednika i članova Nadzornih odbora i uprava privrednih društava sa učešćem državnog kapitala iz nadležnosti Kantona Sarajevo ("Službene novine Kantona Sarajevo", broj: 34/19) odnosno da preuzima obavezu sa usavršavanje obavi u roku predviđenom navedenom Uredbom;*
(dokaz: Certifikat o završenom usavršavanju izdat od strane nadležnog organa/Komore, original ili ovjerena fotokopija, ne starija od 3 (tri) mjeseca) ili Izjava kandidata potpisana i ovjerena od strane nadležnog organa kojom kandidat izjavljuje da preuzima obavezu da usavršavanje obavi u roku od 1 (jedne) godine od dana imenovanja na poziciju, ne starija od 3 (tri) mjeseca. Kandidat koji posjeduje certifikat izdat od ovlaštenog organa bilo kojeg nivoa vlasti u BiH, izuzet je od obaveze navedenog usavršavanja.

Ukoliko u navedenom roku lice ne završi usavršavanje prestaje mu mandat članstva u Nadzornom odboru.

Dokumenti kojima se dokazuje ispunjavanje posebnih uslova pod tačkom a) do tačke h) ne mogu biti stariji od tri mjeseca.

V. POTREBNI DOKUMENTI

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata koji su dokaz o ispunjavanju općih i posebnih uslova traženih konkursom, ne starije od tri (3) mjeseca.

VI. OSTALE NAPOMENE

Kandidati koji budu uvršteni u uži izbor bit će pozvani na intervju.

Prijavu sa potrebnom dokumentacijom i traženim ispravama dostaviti lično ili preporučenom poštom na adresu:

KJP Centar „Skenderija“ d.o.o Sarajevo

Terezija bb Sarajevo

sa naznakom

**(Prijava za Javni konkurs za izbor i imenovanje Predsjednika i članova Nadzornog odbora
KJP Centar „Skenderija“ d.o.o Sarajevo)**

- NE OTVARATI -

Na poleđini koverta napisati ime i prezime i adresu pošiljaoca.

Nepotpune i neblagovremene prijave neće se razmatrati.

Javni konkurs ostaje otvoren 14 (četrnaest) dana od dana objavljivanja u dnevnom listu „Oslobođenje“, a isti će biti objavljen i u Službenim novinama Federacije BiH i Registru javnih poziva za izbor i imenovanja u organima nadzora, upravljanja i rukovođenja u javnom sektoru Kantona Sarajevo, kao i na web stranici KJP Centar „Skenderija“ d.o.o Sarajevo.

Preduzeće nije obavezno vraćati dokumentaciju dostavljenu uz prijavu.